

SKANDAL Atak na izborni proces Dva nova člana CIK-a BiH usred izbora?!

● Iako je Izbornim zakonom BiH propisano da se u toku izborne godine, odnosno izbornog perioda ne može vršiti imenovanje novih članova, Komisija za izbor i imenovanje odlučila postupiti mimo zakonskih odredbi ● Nova mjesta rezervisana za kadrove SNSD-a i SDP-a

Odluka Komisije za izbor i imenovanje BiH da pred samo raspisivanje lokalnih izbora, odnosno zvanični početak izbornog procesa, objavi konkurs i obavi zamjenu dva člana Centralne izborne komisije BiH prijeti da ozbiljno naruši i ugrozi njen integritet. U CIK-u se planiraju zamijeniti Vedran Hadžović iz bošnjačkog, te Tihomir Vujičić iz srpskog naroda.

Odredbe Izbornog zakona BiH vrlo su jasne: proces izbora i imenovanja članova izbornih komisija ne može se vršiti u toku izborne godine, odnosno izbornog perioda s obzirom na to kako su ta tijela nadležna za njegovu provedbu.

Oslobođenje doznaje kako su Hadžović i Vujičić, pozivajući se upravo na zakonske odredbe, uložili prigovore na odluku o objavljivanju konkursa za izbor i imenovanje dva člana CIK-a BiH, ali da su prigovori potpuno ignorirani.

Ozbiljna upozorenja

Komisija za izbor i imenovanje odlučila je pogaziti odredbe Izbornog zakona BiH i ipak raspisati konkurs. Cijeli slučaj, koji je već postao novi skandal CIK-a BiH, dospio je i u Parlamentarnu skupštinu BiH.

Zastupnik Stranke za BiH u Predstavničkom domu PSBiH

Beriz Belkić odlučio je ukazati na moguće posljedice ovakvog poteza u toku izbornog perioda, koji je - ponavljamo - mimo zakona, ali je njegova inicijativa osporena.

Belkić je zapravo zatražio da se do okončanja izbornog procesa i zvaničnog objavljivanja rezultata lokalnih izbora, koji se planiraju za početak oktobra ove godine, ne vrši daljnja procedura izbora dva člana (bošnjačkog i srpskog) CIK-a BiH.

izbore, upozorio je Belkić.

I predsjedavajući Ustavno-pravne komisije Predstavničkog doma PSBiH Šefik Džaferović slaže se da bi slučaj izbora dva člana CIK-a BiH mogao izazvati probleme.

- Konkurs se može raspisati, ali imenovanje novih članova se ne treba vršiti do okončanja izbornog procesa. U suprotnom, mogao bi biti narušen integritet izbornog procesa, a to se ne smije desiti, ocjena je Džaferovića.



Vedran Hadžović i Tihomir Vujičić: Podnijeli prigovor koji je ignoriran



li 29. juna 2005. te da sedmogodišnji period ističe krajem juna 2012.

Politika ispred zakona

No, Jurišić zaboravlja ili pak ignorira činjenicu da je PSBiH sredinom 2006. potvrdio mandat članovima CIK-a BiH, od kada bi zapravo i trebao da počne da teče njihov sedmogodišnji mandat. U tom slučaju, istek mandata je tek naredne godine, koja svaka-ko nije izborna.

- Oni koji prigovaraju pozivaju se na odredbu 2.15 Izbornoga zakona BiH koja se tiče općinskih izbornih komisija, za koje je utvrđeno kako ne treba vršiti njihov izbor i imenovanje u toku izbornog procesa. A prava članova CIK-a BiH regulirana su odredbama 2.4 do 2.6. Izbornoga zakona BiH u kojima to precizno nije navedeno, cijeni Jurišić.

Jurišić, dakle, svjesno zaboravlja da upravo Centralna izborna komisija BiH provodi sve izbo-

re u BiH, pa tako i lokalne i izravno je odgovorna da oni budu provedeni u duhu demokratskih i transparentnih aktivnosti.

No, kako iza svega što se dešava oko CIK-a BiH i izbora stoji politika, postavlja se pitanje u čijem je interesu ovoga časa kršenje odredbi Izbornog zakona BiH. Sudeći po reakcijama u Parlamentu BiH, izravno su zainteresirani poslanici SNSD-a i SDP-a BiH - i jedni i drugi insistiraju da se ovaj proces nastavi i obavi makar to bio i izborni period. Oslobođenje doznaje kako bi upravo kadrovi bliski dvjema strankama trebali biti novi članovi CIK-a BiH.

Transparency International BiH još ranije je reagirao upozoravajući da je politička raspodjela mjesta, posebno u državnim institucijama koje trebaju biti potpuno nezavisne i samostalne, kao što je CIK BiH, krajnje neprihvatljiva i nedopustiva.

Almir TERZIĆ

Petrićevi prsti

Aktivnu ulogu u procesu izbora novih članova CIK-a BiH, kako doznaje Oslobođenje, ima predsjednik te državne institucije Branko Petrić. Naime, već neko vrijeme Petrić je u otvorenom sukobu sa Hadžovićem i Vujičićem, koji su se uz Suada Arnautovića i Mileta Kudića, usprotivili načinu donošenja odluka u toj državnoj instituciji, s obzirom na to da predsjednik CIK-a BiH odluke donosi samostalno. Najbolji primjer je nedavno utvrđivanje izmjena i dopuna Izbornog zakona BiH koje je Petrić pod egidom CIK-a dostavio u proceduru, a potom se ispostavilo da ostali članovi o tome nisu ništa ni znali.

Petrić je, iako je to suprotno pravilima, imenovan u Komisiju za izbor i imenovanje dva nova člana CIK-a BiH. U Komisiji bi, po pravilima, trebao biti neko od preostalih članova, a ne predsjednik, no saznajemo da je Petrić i u Komisiju ušao da se trajno riješi "spornih" Hadžovića i Vujičića zato što ne misle isto kao on.

- Ja samo želim da ukažem na to kakve bi mogle biti posljedice ako se u izbornom procesu provede izbor i imenovanje članova CIK-a BiH: realno je očekivati prigovore, žalbe i tužbe koje prijete da dovedu u pitanje

Temelj na osnovu kojeg se Komisija za izbor i imenovanje ipak odlučila objaviti javni konkurs objasnio je član Komisije Zvonko Jurišić (HSPBiH), navodeći kao argument da su pomenutim članovima CIK-a mandati počeo-

MEĐUNARODNA DONATORSKA KONFERENCIJA

508 miliona eura pomaže pomirenju

Međunarodna donatorska konferencija "Trajna rješenja za izbjeglice i raseljena lica", koja će biti održana u Sarajevu 24. aprila, dobar je put ka intenziviranju procesa pomirenja u regionu i omogućenju rješavanja jednog od najtežih humanitarnih, ali i političkih pitanja. Tokom konferencije trebalo bi da bude prikupljeno 508 miliona eura koji će se isključivo iskoristiti za pomoć izbjeglicama i raseljenim osobama. BiH bi trebalo pripasti nešto manje od 100 miliona, Hrvatskoj oko 100, Crnoj Gori oko 25 miliona i Srbiji 308 miliona eura.

Prema riječima ministra za ljudska prava i izbjeglice BiH Damira Ljubića, BiH je pri kraju realizacije oko 50 miliona eura s ciljem rješavanja pitanja kolektivnih centara i to putem Razvojnog banke Vijeća Evrope, potom kreditnih sredstava OPEC-ovog Fonda za interno raseljene od oko 20 miliona eura i 18 miliona dolara od pomoći Saudijske Arabije. Na pitanje da li se ovom donatorskom konferencijom želi ponovo postići "humano preseljenje", s obzirom



na to da je Srbiji, u kojoj je najviše izbjeglica iz Hrvatske, dodijeljeno najviše sredstava, ambasador Hrvatske u BiH Tonči Staničić je to odlučno negirao.

- Povezivati tezu o humanom preseljenju sa ovim je loša stvar i ona neće utjecati ni na koji način na naš put prema EU. UNHCR je postavio vrlo visoke kriterije u vezi s tim na šta se ova konferencija odnosi i ko će biti korisnici sredstava. Konferencija ne rješava sve druge posljedice rata kojima i danas, nažalost, svjedočimo, poručio je ambasador Staničić. Identičnog mišljenja je bio i ambasador Srbije u BiH Ninoslav Stojadinović, dok je ambasador Crne Gore Dragan Đurović rekao da konferencija predstavlja iskorak u rješavanju pitanja zbrinjavanja izbjeglica. L. R.

PREDSJEDNIŠTVO BiH



Iznaći pravično rješenje

Predsjedavajući Predsjedništva BiH Bakir Izetbegović primio je jučer zajedničku delegaciju Udruženja generala BiH i Generalskog zbora Hrvatskog vijeća obrane. Generali su ga informirali o problemima s kojima se susreću u ostvarivanju prava. Istakli su da je reguliranje penzijskog statusa bivših pripadnika Vojske FBiH u proteklih godinama tretirano putem nekoliko različitih propisa, te da je u pripremi novi zakon koji u svom nacrtu predviđa određena diskriminirajuća rješenja. Izetbegović je istakao da podržava iznalaženje pravičnog rješenja u skladu s odredbama Ustava BiH koje onemogućavaju bilo koju vrstu diskriminacije.

LAGUMDŽIJA - GRASELLI



Podrška na putu u EU i NATO

Ministar vanjskih poslova BiH Zlatko Lagumdžija primio je jučer ambasadora Slovenije u BiH Andreja Grassejlija. Lagumdžija je upoznao Grassejlija o reformama koje će provoditi Vijeće ministara BiH, naglašavajući da su glavni ciljevi BiH dobijanje kandidatskog statusa za članstvo u EU i početak primjene NATO MAP-a nakon samita NATO-a u Chicagu, prenosi Fena. Grassejli je naglasio da će Slovenija nastaviti da pruža snažnu podršku daljnjem proširenju EU, kao njena članica, i da će bilateralno i kroz institucije EU davati podršku procesu evropskih integracija te nastaviti podržavati pristupanje BiH u članstvo NATO-a.